

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

FIVE IMPORTANT TIPS TO HELP NOVICE  
ATHLETES IN SPORTS CONFIDENCE

## Turmeric & Coffee

The Suprising Ingredient Generating Short-Pulsed Laser

## EMAIL CARBON FOOTPRINT

A SOURCE FOR GREENHOUSE GASES EMISSIONS

## Creating Happiness

IN WORK AND LIFE IN SOCIETY: A RELIGIOS PERSPECTIVE

Teknik Pengucapan

# BARACK OBAMA

eISSN 2600-9811



9 772600 981003  
Publication Date  
7 November 2023



# TEKNIK PENGUCAPAN

## Barack Obama

*Suzila Mat Salleh, Siti Fatimah Mardiah Hamzah, Noor Hafiza Mohammed, Hani Sakina Mohamad Yusof dan Noor Malinjasari Ali*

*Fakulti Pengurusan dan Perniagaan  
Universiti Teknologi MARA Cawangan Terengganu*

*Emel Koresponden: suzilamsalleh@uitm.edu.my*

**P**engucapan awam dikhalayak memerlukan teknik berbicara yang berkeyakinan dan berkemahiran memujuk dalam menyampaikan maklumat. Kebanyakan pemimpin dunia, bijak berbicara dan mempunyai keyakinan yang tinggi apabila berhadapan dengan khalayak. Tidak hairanlah mengapa mereka dipilih sebagai pemimpin yang mempunyai kredibiliti semasa berucap. Salah satu contoh pemimpin dunia yang dihormati dan disegani semasa mengadakan pengucapan awam adalah Barack Obama.

Barack Obama atau nama penuhnya adalah Barack Hussein Obama II telah dilahirkan pada 4 Ogos 1961 di Honolulu, Hawaii, Amerika Syarikat. Beliau merupakan presiden Amerika Syarikat yang ke 44 dan merupakan keturunan berbangsa Afrika Amerika pertama yang memegang jawatan sebagai presiden Amerika Syarikat. Ayah Barack Obama merupakan seorang warga Kenya dan ibunya merupakan warga Amerika Syarikat.

Di sebalik ketrampilannya sebagai seorang pemimpin yang disegani, beliau juga berjaya mempengaruhi rakyat Amerika dengan menggunakan teknik bercerita melalui setiap ucapan yang disampaikan olehnya. Teknik ucapan ini yang digunakan oleh Barack Obama dapat meruntun hati rakyat Amerika.

Ucapan yang menggunakan teknik penceritaan dan cara penyampaian yang memikat hati khalayak adalah antara sebab dia diterima oleh khalayak iaitu rakyat Amerika. Dalam pengucapan awam beliau, teknik penceritaan sering dikaitkan dengan kisah peribadi beliau termasuklah kisah mengenai keluarganya. Antara teknik yang digunakan oleh Barack Obama adalah seperti berikut:

### **Teknik penceritaan**

Menurut pengarang Stephen E. Lucas melalui bukunya "The Art of Public Speaking", teknik penceritaan merupakan salah satu teknik yang digunakan oleh pengucap semasa memulakan ucapan. Teknik ini biasanya digunakan oleh pengucap untuk menarik perhatian khalayak. Teknik ini merupakan teknik yang sangat bagus bagi menarik minat pendengar untuk turut serta dalam ucapan mereka. Kita sebagai pendengar juga suka kepada cerita terutama sekiranya ia mempunyai unsur-unsur dramatik dan suspen.

Apabila Barack Obama berbicara dikhalayak, beliau sering menggunakan teknik penceritaan. Hampir semua ucapan yang disampaikan oleh beliau mempunyai unsur penceritaan dan seringkali menggunakan teknik ini di awal ucapan beliau. Ucapan pertama beliau di Konvensyen Demokrat pada tahun 2004, telah menarik minat khalayak yang sekaligus menyebabkan beliau dikenali oleh pengikutnya. Beliau sering memulakan ucapan dengan bercerita mengenai kisah orang tuanya, kisah peribadinya, tentang masa lalunya, Amerika, imigrasi, persenjataan, harapan dan kisah-kisah lain yang berkaitan dengan topik ucapannya. Penceritaan yang digunakan juga menggunakan emosi untuk khalayak turut sama tertawa, menangis dan gembira dengan mencampurkan humor serta menggunakan intonasi, variasi suara, nada dan gaya bahasa badan dalam mengembangkan penceritaannya.

### **Penggunaan kontak mata**

Penggunaan kontak mata amat penting untuk setiap pengucap semasa memberi ucapan. Dalam sebarang keadaan, kontak mata merupakan satu cara yang paling cepat untuk mewujudkan komunikasi dua hala dan

pertalian dengan khalayak. Sesetengah budaya masyarakat berpendapat bahawa sekiranya tiada kontak mata adalah dianggap sebagai tidak jujur atau tidak ikhlas. Seseorang yang memberi ucapan dikhalayak yang tidak menggunakan kontak mata adalah dianggap sebagai seorang yang tidak mempunyai keyakinan diri, malu, takut, gugup dan tiada personaliti yang menarik. Barack Obama menggunakan kontak mata semasa memberi ucapan kepada puluhan ribuan khalayak. Beliau berucap seolah sedang berucap dengan setiap individu yang hadir mendengar ucapan beliau.

Sesungguhnya pengucapan awam yang baik adalah pengucapan yang tidak mengkritik individu lain. Sebagai contoh, Barack Obama tidak pernah mengkritik lawannya Hilary Clinton. Beliau tidak menjerit, mengutuk, memaki, mencari kesalahan atau membuka aib pihak lawannya. Beliau hanyalah menceritakan kisah hidupnya, pendapatnya dan hujahnya secara rasional. Disebabkan inilah beliau dihormati dan disegani sebagai seorang pemimpin bukan sahaja di Amerika Syarikat malah diseluruh dunia.

### **Rujukan**

Wikipedia. (n.d.). Barack Obama. In Wikipedia. Retrieved September 25, 2023, from [https://en.wikipedia.org/wiki/Barack\\_Obama](https://en.wikipedia.org/wiki/Barack_Obama)  
<https://www.britannica.com/biography/Barack-Obama>  
Encyclopaedia Britannica. (n.d.). Barack Obama. In Encyclopaedia Britannica. Retrieved September 25, 2023, from <https://www.britannica.com/biography/Barack-Obama>  
Tippett, J. (n.d.). Presidential Persuasion: Barack Obama's Storytelling. Retrieved September 25, 2023, from <https://jefftippett.com/presidential-persuasion-barack-obamas-storytelling/>  
Presentation Training Switzerland (2016, September 19). 5 Public Speaking Techniques that We Can Learn from Obama. Retrieved September 25, 2023, from <https://presentationtrainingswitzerland.ch/2016/09/19/public-speaking-lessons-from-obama/>  
Lucas, Stephen, E. (2015). The Art of Public Speaking. Twelfth Edition. McGraw Hill Education.



BizNewz 2023  
Faculty of Business and Management  
Universiti Teknologi MARA Cawangan Terengganu, Kampus Dungun  
Sura Hujung, 23000 Dungun, Terengganu, MALAYSIA  
Tel: +609-8400400  
Fax: +609-8403777  
Email: [biznewzuitm@gmail.com](mailto:biznewzuitm@gmail.com)